



Broj: JN- 43-7/17
Sarajevo, 24.03.2017. godine

Na osnovu člana 64. stav (1) tačka b) člana 70. st. (1), (3) i (6) Zakona o javnim nabavkama („Sl. glasnik BiH“, broj 39/14), člana 8. stav (1) tačka f) Pravilnika o uspostavljanju i radu Komisije za nabavke („Sl. glasnik BiH“, broj 103/14), a na osnovu Preporuke Komisije broj: JN- 43-6/17 od 23.03.2017. godine, u postupku nabavke usluga procjene zdravstvenog stanja šuma u zaštićenim prirodnim područjima Kantona Sarajevo, direktor Kantonalne javne ustanove za zaštićena prirodna područja je d o n i o

ODLUKU o izboru ponuđača

Član 1.

Prihvata se Preporuka Komisije za javnu nabavku, broj: JN-43-6/17 od 23.03.2017. godine, te se dodjeljuje Ugovor o vršenju usluga procjene zdravstvenog stanja šuma u zaštićenim prirodnim područjima Kantona Sarajevo ponuđaču Šumarski fakultet, Univerzitet u Sarajevu čija ukupna cijena ponude iznosi 4.000,00 KM bez PDV-a.

Član 2.

Ugovor o vršenju usluga procjene zdravstvenog stanja šuma u zaštićenim prirodnim područjima Kantona Sarajevo dostavit će se na potpis izabranom ponuđaču Šumarski fakultet, Univerzitet u Sarajevu nakon proteka roka od 10 dana, a računajući od dana kada je ponuđač obavješten o ishodu postupka.

Član 3.

Ova odluka objavit će se na web-stranici Javne ustanove www.zppks.ba istovremeno s dostavljanjem ove odluke izabranom ponuđaču.

Član 4.

Ova odluka stupa na snagu danom donošenja.

O b r a z l o ž e n j e

U Kantonalnoj javnoj ustanovi za zaštićena prirodna područja ukazala se potreba za uslugama procjene zdravstvenog stanja šuma u zaštićenim prirodnim područjima Kantona Sarajevo i to:

- determinacija i kvantifikacija ulova potkornjaka na godišnjem nivou- 2017. godina;
- terenski izlazak stručnjaka iz ove oblasti u cilju procjene zdravstvenog stanja šuma;
- sačinjavanje godišnjeg izvještaja o determinaciji i kvantifikaciji ulova potkornjaka i procjena ugroženosti zaštićenih prirodnih područja od napada populacije potkornjaka;
- procjena ugroženosti šumskih sastojina i izrada smjernica za borbu protiv uzročnika sušenja stabala.

Direktoru ove Ustanove je dana 28.02.2017. godine podnešen zahtjev za nabavkom prethodno navedenih usluga. Razmatrajući predmetni zahtjev, uzeta je u obzir činjenica da je predmetne nabavka neopodna radi zaštite šuma u zaštićenim prirodnim područjima kojima upravlja Ustanova te je sa tog aspekta potrebno pokrenuti zakonsku proceduru javne nabavke.

Procijenjena vrijednost usluga je 4.000,00 KM bez PDV-a.

Komisija za javnu nabavku imenovana je Odlukom broj: JN-43-1/17 od 15.03.2017. godine.

Obzirom na procijenjenu vrijednost usluga, nabavka je provedena putem direktnog sporazuma. U tom smislu izvršeno je istraživanje tržišta, te je pismeni zahtjev za dostavu prijedloga cijene upućen ponuđaču Šumarski fakultet, Univerzitet u Sarajevu.

Nakon što je zaprimljena ponuda od strane prethodno navedenog ponuđača, Komisija je sačinila zapisnik o ocjeni ponuda broj: JN-43-5/17 i Preporuku o izboru najpovoljnijeg ponuđača broj: JN-43-6/17 od 23.03.2017. godine, u postupku nabavke usluga procjene zdravstvenog stanja šuma u zaštićenim prirodnim područjima Kantona Sarajeva.

Na osnovu gore izloženog, direktor je donio Odluku kao u dispozitivu.



v.d. DIREKTOR

mr. sci. Osman Delić

Dostaviti:

- 1) Šumarski fakultet, Univerzitet u Sarajevu
- 2) Za objavu na web stranici Javne ustanove
- 3) U spis predmeta